

宋

會

要

全唐文

宋會要 太府寺

太府寺掌供祠祭香幣悅巾祠位席造斗秤升尺以常
參官一員判寺別置同判寺或同管勾當官一員領斗
秤務監官二人以三班或內侍充 兩朝國史志太府
寺判寺事一人以兩制或帶職朝官充同判寺一人以
京朝官充凡財貨廩藏貿易四方貢賦百官俸秩今皆
隸三司本寺但掌供祠祭香幣悅巾神位席及造斗秤
升尺而已府史三人驅使官一人後行二人監斗秤務
官二人以三班使臣充法物都知二人卿一人秩從四
品少卿一人秩正六品丞三人秩正八品主簿一人秩

後八品設案有七第一第二案掌批給官員請受文曆
宗室孤遺錢米及諸司局所請給四糧審院隸焉第三
第四案掌支買三省樞密院六部等處所須錢物雜買
務雜賣場編估局打套局交引庫祇候庫隸焉第五第
六案掌拘催左藏庫交納浙東等處起發入臨安府門
網運錢物逐路押綱官酬賞左藏東西庫隸焉藥案掌
催促點檢雜買務收買藥材所和劑局修和湯藥應副
諸局給賣和劑局雜買務藥材所隸焉又有監文案掌
隨逐丞簿赴左藏庫監交看驗網運錢物吏額胥長一
人胥史二人胥佐一十七人貼司四人書狀司一人
太宗至道元年二月詔太府寺凡給諸色科量並須監

官次第精緻較定明勅都料專監姓名或有輕重失中
不合法則其本寺官負并使臣等並劾以聞當重寘朝
典 真宗大中祥符二年五月三司請下太府寺造一
斤及五斤秤以便市肆所用從之六年十月詔太府寺
今祠祭合用香並於內侍省請付行禮官十二月詔祠
祭合用香令太府寺主之前一月具數牒翰林院差內
侍一人與監修官修合仍勾本寺手分一人封印送寺
封掌供用是月又詔太府寺給料四百付提點倉場官
火印後付諸倉 神宗正史職官志太府寺卿後四品
少卿正六品各一人丞正八品主簿後八品各二人掌
財貨給納貿易之事凡貨賄輸京都者至則別而受之

供君之用及待邊費則歸於內藏供國之用及待經費則歸於左藏應祿賜皆按法給曆令以曆從有司檢察書其名數鉤覆而後給焉供奉之物則承旨以進審奏得畫乃聽除之若須畿內軍衣則前期定日遣將校部其營兵請跋月其支費之數以聞凡商賈之賦小賈即門征之大賈則輸於務貨有不售則平其價鬻於平準乘時賒貸以濟民用若質取於官則給用多寡各從其抵歲則以香茶鹽鈔募人入豆穀於邊州即京都用物有闕預報度支凡課入以盈虧定殿最行賞罰大祀農禋則卿置幣奠玉則入陳玉帛太府舊領祠祭香幣帨巾位席造斛秤升尺而已及官名正職事 哲宗正史

職官志云所隸官司二十有四內汴河上下鑠蔡河上

下鑠分四局又有交引庫掌給印出納交引錢鈔之事

受財賦之入則歸左藏內藏庫左藏庫受財賦之入

以待邦國之經費供官吏軍兵廩祿賜予內藏庫掌受

歲計之餘積以待邦國非常之用金玉良貨賄則歸奉

宸庫掌供奉內庭凡金銀御在賜予則歸祇候庫掌受

衣服以備賜予蕃貢市舶香藥寶石則歸香藥庫

諸道所輸布則歸布庫掌受諸道輸納之布江湖淮浙

建劔茶則歸茶庫以給給林諸司雜輸之物則歸雜物

庫致其名數以給祿賜則歸糧料院掌以法武百官

諸司諸軍俸復以法式鈎磨則歸專司掌其給受

鈞商賈之賦則歸都商稅務掌京城商旅之征

則歸汴蔡河鏐時其貴賤以平百貨則歸市易上界掌

市之不售貨之滯於民用者飛錢給券以通邊疆則歸

市易下界聽民質取以濟緩急則歸抵當所散其

積滯以藥拯病則歸熟藥所民居官廬裁其僦直則

歸店宅務掌官屋及修造店之事直出因眾所利資其不給

則歸石炭場免民行役官自和市則歸雜買務掌市

物也官禁官府斥其餘幣以利公私則歸雜賣場掌

所須以待供納其待凡官吏籍帳及出納刑賞之事皆

出餘之物折支用治平四年神宗即位正月十七日三司言乞內

隸焉藏庫錢三十萬緡助山陵支費從之二月三司言乞

銀三十萬兩準備支賜今內藏庫除依嘉祐八年所支銀外更支與銀五萬兩 九月三司言左右廂店宅務見管席屋子合盡拆去今後更不令修蓋乞令街道司常切覺察兩廂店宅務今後不得將街坊白地出賃及復令人搭蓋席棚屋子妨礙車馬過往如稍違犯申乞根勘從之 神宗熙寧元年二月三司言祇候庫近遺失官物官吏劾罪緣本庫每日交出物色赴軍頭司問門等處準備對御取索支賜全藉監官得力乞減罷內臣一員從提舉司三司輪舉京朝官使臣及令入內侍者進差曾經庫務勾當內臣各一員其監門透漏亦乞下三班院差人銜替從之 七月十三日提舉在京

諸司庫務王珪等言左藏庫自來匹帛與金銀錢等分庫各有專副人員等惟是監官四員通管日輪一員在金銀錢帛庫支納既更至不定則容公人等乘間生弊乞將南北兩庫添差文資一員各令監官內南庫文資一使臣二北庫文資使臣各一其新添官仍乞下三司提舉司輪舉其請給酬獎並依本庫舊例施行自今年十月立界所遺逐庫各得監官專一管勾息絕欺弊監門即仍通管詔減一小使臣添文資朝臣餘並從之十月十三日詔諸路轉運司自今三司支移上供錢幣並以聞以上批諸路歲輸內藏庫錢帛常不足者在三司暗移用而轉運司不敢違雖已旨揮以廢曆中上供

為永額可更嚴約束故也

十六日入內內侍省言奉

宸庫珠子已銷串結裏

都一十五等樣計二千三百四十

三萬六千五百六十九顆詔入內內侍省候有因便勾

當內臣附帶與河北沿邊安撫都監王臨就彼估價分
擘與四推場出賣或折博銀其錢糧糧別封樁準備買馬

十二月十三日詔內香藥庫監官專副得替收到出

剩更不理為勞績但界內別無欠少及損忘官物帳籍

憑由齊整未帳入省監官與先次指射合入差遣若有

諸色人偷侵官物及點檢不得整齊或帳籍憑由積滯

並差人交替候官物帳籍齊足監官方得與注監程差

遣專副別與勾當其監門使臣兩以搜獲偷盜官物與

家便差遣三次以上與先次家便差遣如兩次透漏官物估價不及十千差人衝替若出入官物不畵時抄上及差互透漏估價十千以上不以度數並根勘以聞與降等遠地差遣又如係兩次透漏者候歸班日委三班院將衝替與降等地遠差遣比較從一重差使二年正月十九日上宣諭曰近見內藏庫帳文具而已其財物出入全無關防先支龍腦珠子付推貨務出賣徑數年不納價錢亦無拘收嘗聞太宗朝內藏財貨每千計用一牙錢記之每物所用錢異其色他人莫曉也貯於匣中置之御閣以參驗文帳中數晚年嘗出其錢以示真宗曰善保此足矣今守藏內臣皆不曉帳籍關防之

法當擇人領之即命勾當御藥院李舜舉代其不職者
三月十一日上曰近聞內藏庫奏外州有遣牙前一
人專納金七錢者因言牙前傷農令制置三司條例司
講求利害立法 九月三日詔令在京推貨務封樁折
斛錢內借支與在京府界縣分等收糶斛斛據糶到數
充來年淮南發運司上供年額所借過錢即令發運司
却据錢數收買金銀絹帛送還本務以免歲計般輦不
足也 六日制置三司條例司言乞令江淮等路發運
司於六路諸雜上供錢內截留三二百萬貫令糶買上
供之物其借過內藏庫錢及變轉過合係內藏庫年額
物帛却令發運司認數逐旋送納後之 二十六日上

批內庫近年諸路所納金銀甚耗減蓋歲無入額故三司得以時有移易今若以諸路歲上供內庫金銀撥赴三司朝廷酌一中數令三司歲認送納內庫封樁如此為便其後復詔依舊悉輸內藏庫仍歲具一帳申三司拘催內庫錢帛案 二十七日詔三司旨揮諸路金銀數並納左藏庫逐年支金三百兩銀五十萬兩赴內藏庫永為年額 十月一日詔江淮發運司今後應截留內藏庫物移用即時具數關牒本庫照會是月詔江南等路提點銀坑冶司所轄金銀場冶收到金銀課利今後並依久例盡數入內藏庫委所屬州軍至次年春季起發赴庫交納及仰提點坑冶司每年據場冶申到所

收金銀細數攢寫為一帳中三司拘催內藏庫錢帛案
其拘催案據帳照勘訖翻錄下內庫庫簿抄上候年終
納絕勾銷訖具狀以聞及申拘催案如過期綱運未至
即申舉催促其他路分場冶不係江南等路提點坑冶
司所轄者即仰本路提點刑獄司準此施行 三年三
月十四日詔併在京覓器藥密兩庫入雜物庫留藥密
庫官一員管勾雜物庫官別與合入差遣 十月二十
五日三司言近乞舉推貨務監官文臣兩員使臣一員
奉詔舉小使臣一員緣舊條舉大使臣勾當詔今後於
大小使臣內通選奏舉 四年正月十二日出推貨務
錢五十萬貫助糴陝西軍糧復以京東及與河北封樁

細絹三十萬疋錢十萬貫還推貨務 五月四日同勾
當司錄司檢校庫吳安特言本庫檢校小兒財物月給
錢歲給衣逮及長成或至罄竭非朝廷愛民本意乞將
見寄金銀見錢依常平等倉例召人先入抵當請領出
息以給元檢校人戶詔千貫已下並如所請施行 六
月詔尚衣庫官物等併入內衣物庫仍改內衣物庫為
尚衣庫更據本庫所管御衣駕頭扇篲并應管諸般官
物立便般赴內衣物庫 十一月十一日權發遣開封
府推官晁端彥言雜供庫支費浩大約九千餘貫已裁
減三分之一乞下左藏庫借錢為本依古公廨錢及今
檢校庫召人借錢出息却候價剩撥還詔左藏庫支錢

七萬貫為本 十二月十一日詔太府寺所管神幣歸太常寺斛秤歸文思院 五年二月十七日三司奏準詔與內藏庫議自今撥鹽稅錢及歲別出錢六十萬赴左藏庫給用從之 同日內藏庫言勘會饒池江建等州遞年額鑄錢一百五萬貫并額外增剩錢久未並係內藏庫送納每年支撥年退錢六十萬貫并三年一次支南郊錢一百萬貫赴三司支用顯見往復欲乞下三司今後年額鑄錢一百五萬貫內支撥一十一萬六千六百六十六貫六百六十七文并饒池江建州錢監鑄到額外剩錢並赴本庫送納外餘錢并令左藏庫受納更不令本庫逐年退錢六十萬貫并每次南郊撥賞錢

一百萬貫與三司仍乞減放兵庫搯子節級共二十人歸左藏庫每日只輸差庫搯子三人赴庫祇應如遇諸處支納錢實據合使人數逐旋於左藏庫計會勾喚後之 四月三日抵當所言在京人戶係屬司錄司乞令司錄司同共管勾催促本所錢後之 七月五日詔併推貨務入市易務將市易務作上界以推貨務作下界仍以東西務為名所有公人即將推貨務舊額并市易務新添人戶量行均定後提舉市易務所請也 二十三日詔給武學錢萬貫送檢校庫出息以供公用 五年七月武學請收還本錢遂罷十一月二十七日詔給國子監錢二萬貫送檢校庫出息以供公用 六年四月二十四日詔

給律學錢萬貫送檢校庫出息以供公用並從其請也
十二月十八日都水監言乞將本監錢一萬五千貫
送抵當所出息供用後之 二十六日軍器監言乞將
本監錢一萬九千餘貫依武學例送府司出息供用後
之 二十七日詔市易司市利錢量留支用外十萬貫
並抵當所出息準備支充吏祿其抵當所令都提舉
市易統轄罷勾當曹官一員却置勾當公事二員專切
檢校 七年正月七日知大名府韓絳言本路安撫司
累歲封樁絀絀或致陳腐乞下轉運司用新絀絀或錢
銀對易或依市易法令民入抵出息其餘經畧安撫司
封樁物亦乞依此後之 七月十八日上批惠州阜民

錢監治平四年置所鑄物內藏庫歲額止自前年以內
藏庫歲額移撥與轉運司買銅今既有羨餘宜復歸內
藏庫 十月二十六日三司使章惇乞借內藏庫錢五
百萬緡令市易司選能幹之人分往四路入中算請監
引及乘賤計置糴買詔借二百萬緡 十一月十一日
詔諸河鏐鹽官年滿無違闕使臣陞一季名次選人免
試家便差遣若課利增過祖額一分使臣仍減一年磨
勘選人先次指射差遣過二分者使臣仍減二年磨勘
選人循一資其有虧欠者依諸州課利場務法 十七
日詔諸河鏐鹽官並舉三班使臣及選人不限資序已
替在任人充如無可舉人即開所屬準此選差有舉主

十二月八日內藏庫乞令三司分二年償借通買錢帛三百萬從之 八年二月十四日三司言前勾當在京雜賣場王頤乞廢罷本場及將內香藥西庫併歸雜賣場看詳內香藥西庫難以併罷外緣近準朝旨三司與市易務上界相通物貨上界已遞過永豐倉殿屋倍多可以盛貯凡賣官物皆合撥入本務兩界諸處閑雜物色專有編估官員其合充官用者自今可令諸處請撥合充折支者亦合依茶布之類各就本庫務請領豈須更般赴雜賣場然後支給既置編估官原本缺後無復更似日前廣有積滯物色其雜賣場委實可以廢罷從之 二十四日詔布庫自常樂坊移置閤門外順

城坊五月省司契勘京東路淮陽軍徐州每年起發布
共七萬疋上京除三千疋充軍裝外有六萬七千疋充
折府界諸縣上三等入戶體量和買草兼勘會近准朝
旨白馬管城韋城昨城新鄭五縣隸府界其添買草數
所用布帛數多布庫自來將已前積留布數相添支使
今來本庫別無準備布數年額數目支用不足乞行計
度省司今將熙寧六年分支折過布數約度每年除舊
數外更令要布五萬匹相添支俵入戶歛乞下京東東
西路轉運司分認所轄下出產布帛州軍科買每年依
數起發上京應副支用從之 二十五日都提舉市易
司言乞借奉宸庫象牙犀角真珠直總二十萬緡於權

場交易至明年終償見錢從之 三月六日詔茶界復
為茶庫 六月一日內藏庫言楚濠州運絹三千匹實
本庫歲納之數三司迺令寄納於左藏庫乞詔三司遵
守條制毋下諸軍寄納上批係內庫路上供錢帛三司
毋得別作名目移寄致虧年額 九月十九日內藏庫
言池江州錢監自熙寧六年增鑄錢額多借給諸司歲
輸不及額乞不許諸司借支遂州預具所鑄數聞報從
之 二十六日詔司農寺歲支坊場錢二十萬緡都提
舉市易司歲支息錢二十萬緡償內藏庫以內藏庫具
元年以來諸司直借錢物以聞故也 十月十八日三
司請自今廣南東路除留買銅鉛錫上供內藏庫錢外

更於所鑄錢內發折二錢十萬緡赴內藏庫從之 二
十三日復置雜賣場初三司請廢雜賣場中書戶房以
為不便下三司而三司議與前異乃復置詔三司宮上
簿中書請出錢二百萬緡散在江淮等七路遇穀賤糶
充年計外遇價貴亦許量減價糶從之 十年正月二
十二日專勾司言乞下殿前馬步軍司管轄諸庫內踏
逐抽差軍曹司一十人分番赴司相兼行遣抄寫文字
詔令專勾司踏逐抽差軍曹司六人給與本營紙筆錢
三月八日詔自來布庫每日將鐵牌請鑰及本庫收
鑰却將鐵牌於垂拱殿前窻子內進今後依在外諸庫
官收掌更不於鑰匙庫請納 京師在外庫務鑰鑰並

監官監門收掌惟布庫相承於大內鑰匙庫請納至是
編修四諸司勅文所以為請而罷之 元豐元年四月
二十四日三司言大醫局熟藥所熙寧九年六月開局
至十年六月收息錢二萬五千餘緡計倍息詔監官光
祿寺丞程公孫殿直朱道濟減磨勘三年依條給賞自
今二年一比較 二年六月九日權發遣三司使李承
之等言文武官諸司人請受及外縣諸軍衣賜賞給先
經專審司直批勘於糧料院令欵並令先赴糧料院批
勘次送專審司驅磨從之合馬步軍兩院為一置兩專
審司分領百官諸司請受七月二十一日詔在京開封
府界見封樁闕額諸軍請受可並送內藏庫別封樁

十二月二十三日詔諸路應發坊場錢百萬緡令司農寺分定逐路年額立限於內藏庫寄納 三年三月二十四日都大提舉道洛通汴司宋用臣言近泗州置場堆垛商貨本司解承攬般載將欲至京乞以通津水門外順成倉為堆垛場從之是歲五月二十二日詔改都大提舉導洛通汴為汴河堤岸司 四年四月十九日詔茶場司條令中書別立抵當法 先是特旨令市易司罷除請官錢令民用金帛抵當公私便之故欲推廣其法也 八月七日後苑房廊所言取蔡河房房廊屋并舊在騏驎院地修蓋寄囤蔡河賈人穀及堆垛六路百貨從之 十五日都大提舉汴河堤岸宋用臣言本

司泐汴及京城所房廊地並召人就納官課紙紅花麻布醱行皆隸本所為堆垛場令馮景拘欄賣紙及送紙行班文昌於開封府侵奪課額欲乞據本司以立逐行外餘令馮景拘欄所賣課額各辦詔八月己前已實堤岸司及京城所房屋堆垛物在地者更不起道餘毋得委拘欄搔擾行市 五年五月二十九日都提舉市易司賈青言市易既革去結保賒清之弊專以平準物價及金銀之類抵當誠為良法乞推抵當法行之畿縣從之 七月二十三日詔諸門今商稅院統轄二十八日詔進呈衣樣舊屬左藏庫自今歸大府寺 十月二十六日詔給內藏庫錢百萬緡與熙河路尚書戶部右曹

錢百萬緡與廊延路及令吳雍發陝西諸司及封樁錢
三百萬緡分與環慶涇原秦鳳三路計置糧草十一月
十五日新知湖州閻丘孝直言伏見在京置四抵當所
計以金帛質當見錢月息一分欲望推行於諸路州縣
其無市易官處就委場務官兼監以歲終得息多寡為
賞格 六年正月十九日太府寺抵當之法纔行於畿
邑外邑殊未施行今欲乞許將諸路常平司市易賒借
錢及寬剩錢五路各借十萬緡餘路各借五萬緡充抵
當本錢從之 九月十九日詔應輸內藏庫金錢錢帛
如出違本年或轉移他用論如擅支封樁錢法 十月
三日詔自今幹當內藏庫內臣大使臣非朝廷差命不

奏辟差遣

十一月十六日開封府言據司錄抵當免

行所言熙寧十年始立年額其賞罰條約依三萬緡以上場務法自元豐元年至五年併增當立新額戶部詳度欲酌中用元豐二年三萬九千七百緡為新額從之

七年正月十九日詔奉宸庫選玉造磬從協律郎崇咨道請也 四月十二日戶部乞改市易下界依舊為

推貸務其上界為市易務從之 二十二日詔給鄜延

路功賞左藏庫絹六萬元豐庫四萬 六月九日詔河

東鄜延環慶路各發戶馬二千匹河東路可就給本路

鄜延路以永興軍等路環慶路以秦鳳等路其少數即

以開封府界戶馬如尚少內鄜延路仍以京西路防郭

戶馬所發馬官買者給元價私買者三等上三十千中二十五千下二十千以解監司賣監錢阜財監應副市易錢先借支開封府界以左藏庫錢餘以本路錢專管勾官開封府界委范岫河東范純粹秦鳳等路李察永興軍等路葉康直其買過戶馬限三年八月二十四日詔諸路提舉常平司存留一半見錢以二分爲市易抵當八年七月二日詔諸鎮寨市易抵當並罷仍立法哲宗元佑二年三月六日詔商稅院左藏南北庫中書省差官糧料院諸司諸軍專計司左右廂店宅務香藥庫北抵當所舊隸三司舉官其令戶部奏辟著爲令三年四月二日詔倉部審復理欠憑由案及印發

鈔引事歸比部太府寺 五月十六日詔太府寺置長

貳餘寺監長貳互置 六月二十四日詔在京師商稅

院以天聖年所收歲課為額 元祐初戶部用五年併

增法立新額至是言者論之而有是詔 十一月四日

三省言在京堂除差遣累有增改而吏部闕少官多今

裁定左藏庫商稅院中書省差 五年五月二十八日

戶部言乞太府長貳每月各分巡轄下庫務一兩處點

檢簿厝官物具有無舉法改正事件申省即不得豫定

時日所點檢事却有姦弊發露者點檢官本部奏劾詔

左藏南北庫推貨務商稅院依此 九月二日戶部言

請令大宗正司具合請生日支賜宗室及宗室女職任

名稱并係所生月日及合給支賜條例關大府寺後之
二十五日戶部言勘會請給糧料院審計司只得拖
曆批勘餘並聽太府寺旨揮仍令本寺指定依某年月
日條試合支名目則例月分姓名貫伯石斗錢數下所
屬糧審院勘聽批放如係無法式或雖有法式而事理
疑惑不能決者即申度支取決不得泛言依條施行逐
處亦不得承受已上違者徒二年仍不以赦降原減後
之六年九月十二日詔自元祐六年每歲於內藏庫
支緡錢五十萬或以緡絹金銀相度支免赴元豐庫椿
管補助沿邊軍須等支費 紹聖元年閏四月十二日
三省言京師疾疫詔太醫局熟藥所即其家診視給散

湯藥 五月十五日門下中書省言左藏南北庫元
豐庫係元祐後來收入中書省差人欲復歸吏部差注
詔左藏南北庫元豐仍舊中書省差人七月二十七日
侍御史來之邵監察御史劉拯等乞復免行錢法章惇
等奏曰行人多詣尚書省陳狀願出錢免行則民間固
便之願下開封府問行人之欲復者上曰須從民便不
願免行者勿彊也又曰如寬剩錢亦何須取之朝廷安
待此以佐用邪詔差開封府司錄參軍陳厚取問行人
願納錢免行即具舊條措置聞奏不得抑勒及收寬剩
毋過一分 十二月二十二日戶部言開封府措置到
免行錢後之仍自明年正月一日為始 二年八月二

十七日詔今後指射諸司庫務吏人雖有特旨不許指射糧勾院名闕 三年四月十七日戶部尚書蔡京言香藥庫等處應出賣之物甚多久賣不售請給公據募商人沿邊入中糧草赴戶部等請從之 元符元年二月五日戶部言左右廂店宅務監官賞罰乞著為令後之 三月九日戶部言乞令吏部選差熟藥所監官一員從之 七月九日詔增置太府丞一員 二年二月二日戶部言河北東路提舉常年司奏乞將本路諸州一管下外鎮並依元豐舊法興置抵當從之 元符三年宋即元未 五月十七日太府少卿賈種民言乞將戶部右曹太府寺市易案並改為平準案所有市易務名亦合

依案名改為平準後之

詳見市易上下界都提舉市易司

崇寧元年八

月二十七日太府少卿鄭僅言竊見朝廷歲用金不少每下諸路和買不免搔擾欲乞應內外抵當庫出限不贖金更不估賣並赴元豐庫送納以備朝廷支用所有抵當本錢如有闕少却於內外戶部右曹所隸封樁錢內應副候金稍有餘即依舊估賣後之

十月六日戶

部員外郎周彥質言熟藥所買諸色生藥今相度乞從本所計度合要逐州軍所買藥中本部下逐處樁留上供錢收買計置上京交納訖却於本所錢內撥還仍委提舉司常切催促其逐州軍遞年所收買熟藥若計置本州土產藥材附押前來合本州計定元買價直并所

費錢數具狀解發到所依數支還熟菓前去後之 二
年三月三日監推貨務錢升等言初添新法茶鹽大字
竊慮只用見使印一顆別有相妨轉見留滯今相度欲
乞下合屬去處添鑄印一顆以推貨務茶鹽記六字為
名後之 五月九日吏部尚書何執中言太醫熟菓所
其惠甚大當推之天下凡有市易務置處外局以監官
兼領後之 十四日詔尚衣局合併尚衣庫入祇候庫
見任官併入祇候庫 是歲正月七日詔置六尚局以
尚衣庫所主事分釐為尚衣局故有是詔 十二月二
日溝義司言解池未壞以前官給解鹽鈔募客入入納
糧草還以鈔鹽今解鹽未復其鈔尚循舊法給解鹽文

鈔客人齎赴京解池既無解鹽支還并河北文鈔賣與在京交引鋪戶乘時邀利賤價收買致緣邊入納艱阻客人虧折財本浸壞鈔法合行措置乞依熙寧元豐置買鈔所別以他物折博乞於推貨務置買鈔所差推貨務監官二員別選差使臣或選人三員同共專一管勾換易客人文鈔應客人賣到鈔並以末鹽鈔并東北一分鹽鈔及度牒官告雜物等交換其合要吏人手分庫子等令推貨物那移差撥從之 三年五月七日中書尚書省言推貨務買鈔所自崇寧二年十二月四日奉行新法後來至今年四月十九日終客人鋪戶投下到陝西河北文鈔換易過東南末鹽等共計錢五百一萬

一千三百八十三貫四百一十五文詔監官並轉一官
內選人循兩資 四年六月二十三日推貨務買鈔所
言奉旨交子並依舊法路分兼諸路通行其在京及京
畿行用等旨揮更不施行錢引依此印造諸路用錢引
四川依舊施行其已行交子漸次以錢引兌換官吏等
併歸買鈔所共為一局合用推貨務買鈔所朱記所有
舊交子務銅朱記一面乞下少府監毀棄所有在京提
舉交子官印鑄印一十面今合改作提舉錢引之印六
字為文在京交子務交子記八字銅朱記一十面今改
作推貨務買鈔所錢引記九字為文乞下本監改鑄降
下從之 十二月十九日詔左藏庫支收官物浩瀚非

諸庫務可比其專典專祿廩差厚後初置吏緣職役稍重故優主遞遷出職酬賞近日人吏等避見給納繁重實緣求屬帶行沐庫諸般請給及理為在司月日并滿界終遞遷出職酬獎却於營造處添給食錢犒設恩澤等充代小分軍司輕簡職役巧避繁難可速降旨揮恩在京納給官司有係額內重祿專典秤揣庫給見權抽差在諸處占使未經落籍者限旨揮到直行勾欄歸本庫務如官司輒敢占恡不即發遣及今後更有抽取並仰御史臺彈奏以聞 五年二月四日詔罷炭場添置受納軟炭小使臣雜買物置交易官同日詔監都茶庫選人一員監外香藥庫門小使臣一員南抵當所賣木

炭小使臣一員係翔置本處令本轄甯司相度將職事撥併如不闕事可以減罪者罷其餘增添到員數者罷

同日詔在京增添抵當四所見係八所依舊併作四抵當所官吏罷 同日詔諸路抵當所可令提刑司相度戶口繁庶職事多處即存留餘令監當官兼管勾仍具狀聞奏 大觀二年七月九日臣僚言竊見推貸務筭鈔以其職事所當為者較計積累以為功勞一歲之內率當五六選人皆指目謂之僥倖誠不可以久行宜參酌裁為定制須其任滿考校功實量加遷陟庶合中道詔令後賜束帛或降勅書獎諭 三年三月十九日詔諸路會府依舊復置熟業所仍差抵當庫監官兼管

藥材有關即開和劑局修合應副 四年六月三十日
江南東路提舉常平司奏抵當庫出限不贖銀等承朝
旨依抵當金法更不估賣赴大觀庫送納緣檢棟起發
金銀等更不分別高下色額竊慮因此致官吏等別有
抵換乞告賞立法禁約戶部看詳今後所起發及團併
處當職官吏躬親封押即當聲說係幾分金若干銀當
具述山澤或雜白之類各若干匹帛即言州土長闊
丈尺斤重如此頗有闕防欲下京畿諸路提舉常平司
依此詔依戶部所申 政和元年二月三日詔朝奉大
夫苗仲淑管勾在京賣鈔場就推貨務置局承議郎張
伸英管勾永興軍賣鈔場各以三年為任不許辭避如

任滿推行有方別無遺闕即依推貸務元豐舊條推賞見任人別有差遣三月一日詔諸路抵當出限不贖金銀珠子并有匹綾羅紬絹令起發赴大觀西庫送納其元當本錢却於本路諸司封樁錢內撥還五月二日詔四川羨餘錢物依舊歸左藏庫十一月二十日內藏庫言近年以來錢寶數少欲乞除河北川路匹帛并進奉絹依舊起發外其餘路分州軍合起年額紬絹自政和二年為始權行折變見錢起發赴庫樁管專一應奉取索後之二年七月八日詔今後和劑局歲用藥材並先於在京官庫據見在數取撥如無及不足即前一年春季計度一歲所用之數招誘客人以出產堪

好材料令與販前來申賣至年終買不足即據所闕數
令戶部下出產處以封樁錢和買限當年冬季以前附
綱起發到大觀庫送納聽本局據合用數取撥 二十
三日太僕寺丞李孝昌言竊見抵當所所當金銀自來
只是約秤分兩珠子亦不暇細數謂如當銀五十兩只
作四十八兩九兩之類
出限入官赴他庫送納亦只以當時近重數為定更不
收係出剩之數却慮因緣偷盜欲乞今後抵當所出限
金銀珠子並仰當官重別點檢秤盤分兩數目其珠子
仍分大小色額收上文曆方得赴他處送納庶得關防
不致偷盜後之 三年二月十六日戶部尚書劉炳言
左藏庫歲用羅數多兩浙路係出羅路分乞令本路將

合發夏稅細數計價比折堪好羅帛依上供條限起發
即無增虧從之 七月十五日陝西運判陳建言竊見
利州路文龍二州係緣邈州郡所管外鎮寨不少相去
州縣三二百里各有民居寨戶及商旅往還并他州縣
有外鎮相去州縣地遠設遇有疾病之人本處無醫藥
往來損失者衆乞應州縣外鎮寨有置官處並許於本
州縣取買熟藥出賣從之 四年四月十一日尚書
省言兩修合藥所五出賣藥所蓋本周官醫官救萬
民之疾苦今只以都城東壁西壁南壁北壁并商稅院
東出賣熟藥所名之甚非元創局惠民之意矧今局事
不隸太醫所欲乞更兩修合藥所曰醫藥和劑局五出

賣藥所曰醫藥惠民局從之 五年正月二十三日詔
內藏庫每歲起諸路坊場錢一百萬貫文送納不如期
到庫可差左司郎官一員專一催促勾銷月具揭貼進
呈仍自今來為始 六年戶部言舊左藏庫分南北兩
庫今來依圖樣修建新庫係是面南東西修蓋兩庫仍
乞候了畢以東西庫為名從之 閏正月二十六日戶
部言京邑之大生齒繁衆薪炭之用民所甚急朝廷置
場出賣本以抑兼并而惠平民然畿內與京西北路歲
入之數以折計之者纔七十萬嚴冬祈寒有足慮者今
淮南與京東路提舉常平司歲用上供錢各售十五萬
以滿百萬之數從之 十月十八日開封尹王革言都

下石炭私場之家並無停積竊慮下流官司阻節欲望
下提舉措置炭事所司今後汭流官司不得阻節邀攔
及抑勒炭船多行搔擾許客人經尚書省陳訴詔依敢
有阻節以違御筆論 宣和二年八月十七日詔比違
官點檢推貸務自重和元年十一月至宣和二年六月
一年之間珠子金銀匹帛錢物收支不明及違御筆支
用過見錢共踰千萬有司覈實未上殊駭聞聽可特免
推治監官李通宋經臣錢瑗陳次收並除名勒停李通
展三期叙仍送千里外州軍編管差魏伯芻監推貸務
日下供職 九月十八日左右司奏剗刷抄折官物并
編估局係管勾結絕推貸務殘零諸色舊鈔支筭雜物

套事自宣和元年五月^上旬算請五百貫計五套後來
並無客人算請詔剋制抄鈔官物并編估局官吏並罷
并歸推貨^務管勾差文武官各一員管勾打套新法香
藥并編估折鈔 三年三月三日提點內藏庫奏契勘
諸路州軍應起務內藏錢物多不依條先具綱解遞報
致妨注籍拘催若其管押人沿路或致疎虞本庫無由
檢察乞今後諸路州軍應起發本庫錢帛寶貨並須依
條先具綱解姓名數物支發月日入遞轉報提點所并
本庫照合注籍庶可閑防革去情弊無恐沿路轉遞文
移或致沉墜欲自支發綱運後於一月內節次三具綱
解供報從之 十一月二十一日臣僚言太府寺丞項

在元豐止有三員後至崇寧因太府少卿吳黯申明稱
是添置出葉局凡有七所非有專一往來點檢之官恐
無以幾察情弊置專行點檢七局寺丞一員中間朝廷
嘗患冗員徒費廩祿遂行減罷繼而樓昇再申吳黯之
請乃復添置如初今局廢已久其添置之官欲望減罷
只令太府丞依倣熙豐差官分隸點檢詔減罷依元豐
法 七年四月十日中書省尚書省言京畿諸路抵當
出限銀自來逐處一面鈺銷淨銀起發上京後色鈺銷
只令來納庫務鈺銷淨銀樁管如此則抵當人戶不許
計隔合千人將有銅錫銀盡赴官中抵當却致虧損官
本並未有約束開防詔令京畿并諸路常平司過所部

州軍有抵當庫官吏將限銀對元抵當錢本看驗鈺銷
錢銀依條起發如有虧損官中本息將元受抵當合干
人除依條均陪外並斷杖八十今後人戶到抵當銀
並仰子細辨認色額高下定價取數非理阻節不令典
當者杖一百十九日都省言講議司奏內降臣僚劉
子及杭州裏外市戶吳禧等狀乞納錢免行事看詳州
縣行戶立價定時旬價直令在任官下行買物蓋知物
價低昂以防虧損貪暴之利冒法倚勢非理搔擾諸州
公使庫尤甚至有少欠行人物價數千緡緡隔歲月不
曾支還如金銀匹帛等行往往停閉店肆逃竄改業開
封府自紹聖間復行元豐法令人戶納免行錢公私便

之今相度欲依所乞今兩浙路依杭州已降免行指揮
立為永法諸路州縣依此其立定合納錢數務要輕於
當行日陪費之數體做開封府見行條法立定拘催後
之其後講議司條畫到下項一州縣行戶自來多是備
見官中搔擾無錢陪備致將鋪席停閉致有見闕行戶
今既罷供應合候逐行人戶歸業依舊開張日依元降
指揮酌中立定即不得先次審量立定行戶名目出納
錢數其四方商旅村戶時暫將物色入市貨賣許與買
人後便交易行戶不得障固如違依疆市法科罪一所
立免行錢如日後復有增添戶數或有銷折錢本改業
不行開張人戶若不隨元立定錢數紐計隨戶增減恐

如金行像十
产每户出錢

一貫十戶出錢十貫減二戶出錢八貫若增一戶一州
出錢九貫若增及十一戶共出錢十一貫之類

折納折變破帳估贓之類自合依舊供申其或計拋科

見行條法一在京所收免行錢依法許收一分寬剩錢

所納免行錢亦合依條首常平給納法每貫收頭子錢

拘催免行錢令州縣市令司戶案掌行量支食錢候推

行就緒令提刑司隨所收錢數多寡量行立定申取朝

廷指揮施行一見任官員買飲食衣着之類不免於本處行市收買雖名為不使時估只用市價然所買之物或暗增斤兩或大量丈尺或純要上等之物行市既係所部不無畏懼恐行戶依前受弊仰諸路監司廉訪使臣常切覺察按治如違許人戶經詣尚書省越訴取旨重行黜責一諸路除帥府及監司置司所在軍州已推行外其餘州縣欲令提刑司一體推行仍依元降指揮委官同本州縣知通令佐立定合納錢數保奏詔並依內和買歲計上供等物如以貢餘及準備為名數外收買者所剝坐贓論五月十九日詔溝議司近措置免行錢更不起發上京令逐路提點刑獄司拘收封樁每季

具數申尚書省 十二月二十一日詔已降處分州縣
行戶止令納免行錢其見任官合買物色令依在市實
直收買以寬民力訪聞州縣奉行弗虔尚用時估收買
顯見違戾可令諸路提刑司約束如違戾按劾以聞並
計贓以自盜論同日詔在京官私房錢並減二分 同
日罷都茶場依舊歸朝廷 欽宗靖康元年正月三日
詔方今軍興應內外官司局所除存留後苑作紙備道
君皇帝外其餘一切依照豐法錢物並納左藏庫令三
省樞密院條具凡一百五處皆罷之 十八日詔罷諸
郡免行錢 三月二十三日內藏庫言本庫自太平興
國三年肇建至大中祥符四年御製御書立銘其貯積經

費外餘財所以募士戍邊振乏固本皆有成法比年諸路歲入坑冶金銀至為稀少檢準熙寧二年聖旨應江南等路提點刑銅坑冶司所收金銀課利今後並依久例盡數上供入本庫其他路場冶不係坑冶司所轄者仰本路提點刑獄司依此施行元祐中戶部尚書李常乞留三分充轉運司支費餘七分納內庫以此歲入漸致虧減本庫屢曾具奏得旨依祖宗法後來有司不能体置內府之意將合納諸路金銀作新舊坑冶分擘於木觀東庫送納因此侵漁蠹耗及將應管金銀盡充金國犒軍使用更無見在僅二百年收積一旦費竭誠恐緩急有誤又用欲乞復依舊例將諸路坑冶金銀不分新

舊興廢並遵祖宗舊法赴內庫送納後之 四月十四
日詔都城物價未平來者尚少入門猪羊及應于合稅
物色並權更免稅一季 七月二十七日詔今後戶部
太府寺長貳當職官并本庫官吏俸錢候在京官吏吏
散並足方得支散後戶部尚書梅執禮之清也 高宗
建炎三年四月十三日詔罷太府寺撥隸金部 紹興
元年五月二十三日詔承奉郎章德守太府寺丞措置
印給茶鹽鈔引 二年四月十三日詔太府寺丞措置
印給茶鹽鈔引每月支破鈔紙三百張令交引庫以
料次收買應副 三年六月六日詔今後使臣校副尉
等元在諸軍下使喚遇揀退發歸部並須申取朝廷發

遣方許出給請受文曆令吏部於本人付身上分明批
鑒係某軍揀放不堪披帶給曆已後仍令諸軍不得再
行收管 先是使臣等身在軍中為係已有差遣參部
不合給曆往往告求統制統領等官一面出給公據發
遣叅部陳乞出給請受曆頭給曆之後本軍却行拘收
依舊祇應故有是命 十一月一日詔添置太府丞丞
一員 戶部條畫下禮部鑄造太府寺丞印仍乞以某
寺丞之印六字為文一行移文字於本部用狀申於所
轄場務用貼一所管庫務如照檢得有違慢事件申本
部施行一請給人從依本寺丞及大理寺宗正丞則例
支破內親事官招置一名一逐季取索所管庫務帳曆

審驗駁磨有無侵欺失陷文狀保明申部一每丞下搭
置手分二名貼書一名行遣文字請給並依宗正寺人
吏吏破一左藏東西庫諸軍諸司糧審院雜買務祇候
庫隸太府寺丞並從之 十二月九日詔太府寺復添
置丞一員 四年五月二十六日詔太府卿各特復置
一員 同日太府寺言本寺舊額副尉三人係掌架閣
什物庫及遇有不下司密切急速取索利害文字并監
催官物今來比舊稍簡欲乞止差破一名許從本寺踏
逐有心力慣熟副尉充候差訖申部官照會所有請給
乞依戶部承受副尉見請則例吏破附磨批勘從之
同日太府寺言舊額准備差使使臣五員係吏部差小

使臣充桂備差使所隸庫務閑官逐急承權緣今來所
管庫務比舊數少難以依舊差破今欲乞量差一員從
本寺踏逐有心力可以倚伏之人以備緩急委使與支
破本寺券錢所曆批勘役之 五年三月十三日詔太
府寺將審會吏部公文依審覆錢法用匣實封赴郎官
廳投下審訖限次日回報實封下寺如公據內開說不
圖本寺未得收使從太府寺卿沈昭遠之請也 七年
六月三日詔太府寺卿少卿薦舉本局官充京官 先
是戶部侍郎王侯言刑部長貳大理卿少卿已依元豐舊
法許舉本部官充京官所有戶部長貳司農卿少卿依
例薦舉詔依至是監熟藥南所孫猷熊叔阮各以隸屬

太府未有薦舉明文有請後之

九年五月二十六日

太府少卿施炯等言本寺節次申陳承降旨揮差置胥佐一十七人緣所掌事務盡干出納及勘支官中錢物事屬永久目今本寺見役正名胥佐止及元額一半其餘逐急差人權管係是交引庫併到印造鈔引帖司并近新到寺之人例各不曉條法未諳行遣試補不行見今所役人雖窮日力不勝其事多是因而逃竄今相度欲將前項開具昨添置併事故差出見聞胥佐從本寺於無違礙官司踏逐抽差填闕一次支破本等請給內填正人關候及一年量試補正填差出聞人候正人到日罷日後有闕依條試補所責可以責辦不致曠闕詔

將事故人名開依所乞施行 十月五日太府寺言契
勘六曹寺監依舊法許募私司年十六已上人選試書
劄習學不許支破請給遇正貼司闕差權及依條試補
伏覩六曹并司農寺等處近各已承降旨揮立定人數
許行召募本寺吏額合置私名三十人自復置後來未
曾立額召募伏望朝廷許本寺依法司農寺等處已降
旨揮於舊額內召募私名一十人詔從之 十年十一
月詔左宣教郎鄭昌齡除太府寺主簿填復置闕所有
本官清給人從白直並依太常寺已得指揮 十一年
正月十日詔交引庫書押鈔引寺丞兩員遇合推賞各
與減磨勘二年 先是每歲收茶鹽錢一千三百萬貫

本庫監官及書押鈔引寺丞一員各減二年磨勘復置
太府寺添置寺丞一員合行分受故有是命 三月二
十九日詔太府寺丞三員既衆同分押鈔引合一體推
賞 先是寺丞二員已降旨揮過推賞各減二年磨勘
復差右承事郎王循友一員在旨揮之後故有是命
十三年五月十六日太府寺卿林大聲等言本寺手分
內見闕四人并差出一名闕為見管貼書例各新入未
請行遣次第並無可以試補之人乞行拘收舊人填闕
若見在官司之人候本寺公文到並限日下發遣充下
名收管不許影占如尚不足即于內外官司踏逐相差
填闕一次支破見請請給內填差出名闕人候正人歸

卷二萬三千七百三十三

寺日發遣歸元來去處餘人候及一年試入正額詔除
不許拘差本寺曾經作過開落停罷及所轄庫務人外
依所乞拘收踏逐一次仍令本寺職級手分委保不係
曾經本寺作過停罷之人方得拘收填關 十三年九
月十三日詔太府寺胥長依格應出職權降一等出官
謂如承信郎降一等補進武校尉自餘依紹興出職條
法施行若將來本寺吏額依舊即合照應舊法施行
先是尚書省據太府寺申本寺胥長宋亮年滿乞出職
後批勘會太府寺見管吏額與昔日不同送詳定一司
勅令所參酌立法尋行取索到本寺狀稱昨在京日本
寺吏額胥長等九十人紹興四年間復置本寺見管四

十一人為額係與昔日不同本所契勘太府寺胥長出職年限合補名目大觀寺監通用釐正侍郎右選格係是印本舊法已載不須修立外所有今來見管吏額比舊例減半即與昔日不同故有是命 二十七年十二月十九日詔太府寺胥長年滿如無遺闕依司農寺胥長已得旨揮出職補官若有遺闕即降等補進武校尉所是入仕年限自依本條從刑部請也 二十九年十月二十六日詔應罷任使臣校尉尉綴曆不曾批書印紙亦不將到舊曆止有給到公據開說在任所請給名色數目起支任請年月日有無侵欠已繳舊曆拘收毀抹入官之文圖條之人依本官所乞召在部有姓名本

等保官二員委保實係繳納在官即自行隱匿詐冒不
實甘依建炎三年六月八日去失已降旨揮批書保官
印紙照應先次給曆繼續移文罷任州軍如會到不曾
繳納或有侵欠不該錢物即依見行條法如公據內開
說不圓雖批書印紙亦有不圓更無給到公據即依節
次已降旨揮並候勘會到舊曆歸着方許給曆及有批
書印紙開說所請名件則例起支任請年月日有無侵
欠無拘收券曆入官之文却有給到公據見得券曆歸
着之人照應給曆外所是州軍不批書印紙從本寺行
下究治從戶部請也 紹興三十二年十一月三十日

孝宗即位
未改元

詔太府寺人吏職掌減一年出官 孝宗隆

興元年正月十九日都省勘會歸正官乞出料錢文曆
近來並是具狀直經朝廷顯屬秦煩並恐無以稽考詔
令戶部曉示應給曆之人並經戶部陳理本部日下取
索真本付身照驗詣實指定申尚書省行下所屬出給
施行 五月四日都省勘會歸正官乞給料錢文曆已
降旨揮並經戶部陳理日下取索付身照驗出給今
本部執用紹興三十一年十二月二十二日旨揮將付
身內無首先二字之人不行出給詔令戶部並行出給
仍依已降旨揮分明曉示具狀經本部陳理施行 七
月二十六日詔太府寺併看主簿一員見任人許終滿
今任已差下人依着罷法從右諫議大夫王大寶等議

也 八月三日太府寺狀依旨揮條具併首吏顯見管
胥長一名胥史二人胥佐一十七人正監書四人書狀
司一名今減胥佐二人正監司二人書狀司一名照依
見在人且令依舊將來遇闕更不遞補 二年二月三
十日太府少卿馮萬言選人罷任繳曆不曾批書印紙
亦不將到舊曆止有給到公據內稱說選人舊請在任
有無侵欠其文曆已行拘收毀抹入官圖備之人許召
京朝官一員依前項已降旨揮結罪批書保官印紙訖
先次給曆繼續取會罷任州軍如報到却與原給公據
異同其保官從太府寺具因依申省部行下大理寺依
前項旨揮斷罪施行其出給過文曆却行改正元給公

據不甯州軍當行官吏行下提刑司根究依條施行其
不曾批書到拘收毀抹文曆之人亦無給到公據見得
舊曆歸着並依見行條法旨揮施行從之 閏十一月
二十七日詔太府寺丞簿今後並依舊制 乾道三年
三月一日太府少卿魯訢言言左藏庫逐時申解州軍發
到錢物內有侵移少欠等乞依司農寺已降旨揮將衙
校綱梢等無官少欠之人從本寺一面斷遣行下所屬
庫分監納如情犯深重及押綱有官之人照應條法送
大理寺推勘施行從之 七月四日中書門下言臣僚
白劄子訪聞推貸務見在諸色物件往往與曆數目不
同乞行差官從頭點數秤盤據正數收入文曆詔差太

府寺主簿馬希言 淳熙四年七月十七日詔臨安府
於和劑局西本府醋庫地段修蓋太府寺以舊太府寺
為材枋庫故
也十五年六月十八日詔敕令所官屋改充太府寺從
本寺請也按續會要元豐以後左藏庫內藏庫奉宸庫
祇候庫香藥庫布庫茶庫雜物庫糧料院專司司都商
稅務汴河上下鑠蔡河上下鑠推貨物務交引庫抵當所
和劑局惠民局石炭場雜買務雜賣場諸司庫務併入
此門

都商稅院

都商稅院在義和坊掌京城商賈廊店市收并以京朝京諸司使副三班
三人監所領有欄稅數錢之名太宗至道元年十月詔都商稅院每客旅

將雜物香藥執地頭引者不問一年上下只作有引稅二十錢無引者稅
七十五錢仍引隨帳送勾二年二月詔商稅院收稅頭子錢五百已上
一文一貫二文月終隨帳中三司真宗咸平二年九月詔官給折錢物買
賣並不收稅三年十一月詔應以銀寄蕃部首領聽人糾告犯者家財盡
底沒官以所犯物賞告者六年八月詔臣僚隨行銀器行李悉免稅即不
得夾帶客旅銀器如違三分以一分給告者二分沒官景德三年二月詔
以銀出入並每兩稅四十錢出引放行若賣馬蕃部帶銀向西者峽內具
數驗認施行四月詔商稅院捉到漏稅物三分抽罰一分內以半沒官半
充賞大中祥符二年五月詔商稅院每于太府寺請斛秤升尺出賣具帳
中三司十日一轉文歷六月詔禁城門每收稅錢卽次日將歷反錢送商
稅院委本監官將門歷點數批歷赴門八月詔京城買賣牛馬驢馬騾駝
須當日商稅院上簿限三日納稅印契如不中官准漏稅除抽罰十二月
詔商稅院每告築新城外偷稅私宰猪羊屠戶依偷稅例斷違追毀宰殺
什物仍委兩巡邏察三年五月詔商稅院並依版榜例收稅仍取脚地引
首驗如無引每十收稅三倍若一千已下竹木席箔麋物只委監新城門
使臣照檢就門收稅一千已上依舊于商稅院納錢官員出入隨行衣服

非販鬻者不須收稅村民入京貨鬻百錢已下與免如以香末出城每斤稅二錢六年四月詔回紇賣馬價錢依舊令鋪戶將券照証批鑒所賣價錢報商稅院不得通同謾稅違者委本院覈察捉搦許身人告論勘罪否偷稅物只于鋪戶處設官若有市物亦鋪戶一面認稅引卷外物色鋪戶具數赴院納稅出印納付蕃部收執其進費鞍馬請到券錢例物程賓院即時具免稅狀報仍令本院取問有無卷外物錢各件報商稅院七年四月詔商稅院應知情同情偷稅公人攔頭並許經官陳首原其罪仁宗嘉祐四年十一月減罷在京商稅院見官人數內有續添并所添額外人數

都提舉市易司在太平坊總轄內市易務初置提舉官
一員亦置同提舉後多以三司戶部副使兼領神宗熙
寧五年三月二十六日詔在京市易務選差監官二員

提舉官一員勾當公事官一員

事務具市

熙寧六年十

二月十四日詔都提舉市易司管轄在京免行所人戶

許令本司受理陳訴搔擾詞狀點檢官司違犯新法從

本司所乞也 九年正月二十五日詔都提舉市易司

自今不得賒請錢貨與皇親及官員公人先是手詔近

禁止賒法係行下幾處及從是何月日施行違者有何

刑名可具奏聞至是中書奏請有是旨四月五日都提

舉市易司言奉詔支撥金六千兩應安南道將物貨五

十萬與淤田水利司作糴本緣所支錢物貫萬數多別

別無撥還指揮今上界少闕錢奉欲乞支給末鹽抄五

十萬貫轉變作本從之十一月三日詔都提舉市易司

今日以前賒請過錢物限外送納本息已足其罰錢並與免放本息未足者更展半年足日準此諸路到日以前見欠罰錢人戶亦準此二十八日都提舉市易司言自置市易務上界所用本錢並是新法末鹽等錢及於內藏庫借撥到五百萬貫作本內五十萬貫與河北收糴斛斛封樁外三百五十萬貫已還止有一百萬貫係未撥還及準朝旨自十年為頭年每年於息錢內撥二十萬貫赴內藏庫送納今見在本錢除官員將物貨變轉外只有四百一十六萬餘貫深慮朝廷非汎取撥乞除每年已認錢二十萬入內藏庫外乞歲終更辦積錢數即從本司別具取旨從之 熙寧三年二月十一日

同管勾秦鳳路經略機宜文字王韶言欲本路置市易
司借官錢為本稍籠商賈之利即一歲之入亦不下一
二十萬貫詔令將本司見管西川交子差人往彼轉易
物貨赴沿邊置場與西蕃市易如合選差官王韶同管勾
及應有經畫事件並仰轉運司從長相度施行仍件具
以聞 五年三月二十八日贊善大夫三司戶部判官
呂嘉問提舉在京市易務七月十四日詔在京商稅院
雜賣場雜賣務並隸提舉市易務 六年十月二日詔改
提舉在京市易務為都提舉市易司應諸州市易務隸
馬十二月十三日詔在京免行錢如有訴未便者都提
舉市易司受理以聞 七年九月九日詔詳定行戶部

利害所諸行應有不同者定歸一行供輸仍隸都提舉
市易司十月十六日詔提舉市易司歲舉京官五員十
二月二十四日都提舉市易司言市易上界積貨逼近
民居煙火乞移於永豐倉已得旨按行倉屋兩河之間
窠為要便唯去稅務少遠今麗景門外沿城面河官柴
場隸都水監乞以為河稅務場那監官一員輪直如商
人貨願中官者監官就新場點檢關稅錢送商稅院從
之 八年三月三日都提舉市易司言乞以諸路市易
務隸本司許本司移用錢物度人物要會處分諸路監
官置局隨土地所產商旅所聚與貨之滯於民者得收
斂從之二十四日詔詔路市易委轉運司提舉仍置同

提舉官從提舉市易司請也二十五日詔諸路同提舉市易官任滿更不差人並令轉運司官提舉九年正月二十二日中書門下言都提舉市易司申杭州市易務課息比較立定酬獎第一等同提舉官孫迪轉一官賜錢百千第二等兼提舉權轉運司王庭老減二年磨勘勾當公事曹彥候及三考日循一資第三等以下官吏在京市易務次第支賞從之五月六日都提舉市易司言本司統轄抵當官錢然檢較庫自隸開封府若本庫留滯差失無緣檢舉乞撥屬本司其事關開封府即依舊隸府其餘應干事務並歸本司統轄從之十年十月二十一日尚書司勳員外郎都提舉市易司呂嘉

問為司封員外郎直昭文館知江寧府賜錢三百千以
嘉問領市易自熙寧九年十月凡收息錢百四十一萬
餘緡故也 元豐元年三月二十三日詔諸路提舉市
易官二年一比較取裁八月十三日詔諸路提舉市易
官並依前逐年比較酬獎九月賜刑部郎中都提舉市
易王居卿紫章服十一月二十六日都提舉市易司言
本司遣官以物貨往諸路變轉乞十萬緡以上限二年
二十萬緡以上限三年內索及三分依逐年比較推恩
限滿索及八分以上與理為任過限不及立定分數者
不在酬獎理任之限仍先停支官吏請給從之 二年
正月二十六日詔正南軍節度推官彭特為秘書省著

作佐郎以特提舉兩浙市易司歲餘收息錢十九萬緡
特賞之四年十二月八日都提舉市易司賈青乞於
新舊城內外置四抵當所委官專主管罷市易上界等
處抵當以便內外民戶從之

全唐文

宋會要

提舉在京諸司庫務司 以朝臣諸司使副二員提舉
自天聖後亦有二員或五員不常其數今止二員凡京
城諸司庫務場院坊作共七十四所隸提舉司內太廟
家事庫官告綾紙庫太府斛秤務少府祭器法物庫國
學賣書庫皇城氷井務軍器什物庫府司照檢所事在
本屬各有總統今錄提舉司為首所領者列於次後置
都提舉市易司庫務事干者改隸焉 真宗景德二年
十月命龍圖閣待制戚綸宮苑使劉承珪都大提舉諸
司庫務言者以庫務百三十餘所出納多不整齊又三

司事叢無由按視故置此職凡三司計度染練造作配
罰修補變轉物色委朝官使臣往庫務與本監官取文
帳點檢仍不住經畧巡轄如三司失照管又積弊公事
並委所司制置以聞三年內如大有更改利益事特與
酬獎 三年五月詔應庫務等官非公事不得到提舉
司若有公事合與本轄官商議者勿拘 四年四月詔
上封者言京師庫務出納淹留官物不得整齊蓋監臨
弛慢致人受弊宜令三司與提舉庫務官司議條約量
庫務繁簡以置監官永為定式有不堪其任者具狀以
聞並與改易自此考秩未滿不得差出五月又令定奪
諸司庫務公人數及請受則例自今著為定額 大中

祥符元年二月詔諸司庫務監官兩員已上處並令一員押宿一員處令與監門使臣輪宿如無監門只監官一員并雖有兩員而一員當內直或假故者即與專副輪宿若監官解宇在庫務內居住亦須每夜抄記宿厯其同監外居者更不輪宿 五年四月詔諸司庫務監官如當守宿的有事故不赴者具狀以聞提舉諸司庫務司皇城司常以覺察如有同監在本解宇居住者即依元年二月詔命指揮七月詔內外諸司庫務見有差使臣權勾當處以其所任非正皆不用心兼有未合入者權假名目動踰年歲未滿替者不唯潛啟律門兼庫務因茲不得整肅宜令樞密院遍取索及半年已上者

嚴降條約

七年二月詔令皇城司及在京諸司庫務

倉草場無留火燭如致延燭所犯人洎官吏恚坐斬刑
耆休者減一等廟社亦如之遇祭告則委監祭約束又
詔提舉朝臣使臣自今逐日分往庫務提點體量內監
官及監門官通方幹辦或慢公不親事者密具名聞專
典公人欺官擾人住滯文字者即時決杖應合條約更
與三司商議奏裁六月三日詔諸司庫務監官頗有畏
懦不才者令三司具名以聞先是言事者以庫務監官
多未歷事者致有侵弊故命選任仍別定條約七日詔
諸司庫務委監官躬親點檢本處帳管官物如有累界
交割到并見在數多若無支用陳損不堪供須諸般開

物或時零事件並令件析供報提舉司相度依元詔施行仍令今後常切點檢旋具申報 八年二月詔在京諸司庫務倉場委逐處監官簡選公人有累作過犯不逞之人籍名以聞其巡護兵士數少處益之閏六月詔諸司庫務金帛緡錢如有使臣傳宣取索仰依例畫時應副即不得將見在都數及將不係取索之物妄有比類供報如有違犯專副手分處死監官除名決配舊制庫務司物雖三司使不得知其總數因丁謂在三司日言凡十計度須見實數遂可其奏仍令親書取索實封收掌副使以下不得預聞今凡使臣取索支賜監專盡數供報仍羅列色類比方多少頗失條約故申戒之七

月提舉庫務官藍繼宗言準詔每到庫務點檢不便事
件合行條約改更並與三司同議以聞自後皆依詔施
行切緣有至不便事及三司元規畫不當失於拘檢官
物者更難與三司議望許臣等上殿敷奏若常程不便
事即與三司同議從之是月藍繼宗等言都監院見係
提舉庫務都大提點倉場所提轄欲乞就歸一處詔只
令提舉庫務司提轄 九年正月提舉諸司庫務司言
諸司庫務公人先準宣屬本司管每有闕額逐旋填其
所招公人自來各有元等身等尺寸數內諸色工匠須
及五尺一寸已上今相度匠人止要手藝造作不須拘
身等尺寸欲望所招填闕工匠不拘等樣但無殘患諸

會造作少壯得力者並許招收從之 天禧元年六月
提舉諸司庫務夏守贊言先準宣諸司庫務係經揀占
留人內犯賊者更不得轉補今詳從初起請比要戒勵
公人然或有目前犯賊經斷存留收管後來改過祇應
得力者若以曾犯賊罪永不轉遷不惟無以激勸兼且
久占職名屢却轉補又有辨及場務各總優輕避見年
滿收充三司軍將却入重難差使如此則是犯賊負罪
之人翻為僥倖守分檢身之吏永不轉遷匪惟事理相
殊抑亦未得均濟欲乞應曾犯賊罪得力曹司公人等
如元犯只杖罪已下存留後來及三年能改過自新並
與依本處年限遞遷如三年內再作賊私過犯改配重

難去處從之

二年四月六日提舉諸司庫務藍繼宗

言揀選諸司軍人庫子等本額四萬七千九百六十六人見舊三萬六千三百八十八人今簡選得三萬三千九百二十二人仍舊充役一千九百五十四人放停五百一十三人減衣糧之半從之

三年六月詔應在內諸司庫務見管公人并令五人為保委得守慎行止不作過非連坐繳奏若自來充惡累犯者分析以聞今後同保人常切覺察如有充惡難鈐轄之人許人員同保告官斷罪若遞相隱庇因事冒墨重寘之法

仁宗天聖二年十二月提舉諸司庫務劉暉等言本司總轄錢帛日有急速公事並干條制須籍知次第人主行劉承

珪提舉之日曾於額外差殿直周銳簽書點檢後只額
定前行一人後行四人手分十人舊於三司定名抽差
近來三司依名牒送赴司不經揀選須至到司才及三
年又乞轉資出職諸事因循不能專一有所手分又係
守闕後行才知次第却為在省闕人依次合當轉補亦
有書劄低次公事生疎者不免抽換不任祇應今欲乞
依舊額將見管人體量揀留外別定姓名抽取割屬提
舉司立額祇應並與即日請受只令勾押官候及五年
無賊私過犯與奉職餘人等依例轉補更不三年一度
轉資所是手分緣未有請受候三年執行公事精熟別
無賊私罪特與餘料後行請受事下三司請如曠奏從

之 七年六月詔三司使副使子弟多乞監在京諸庫
務雖部分不同其如文字相干上下難為點檢自今更
不令勾當在京錢穀場務如不管錢穀處即許差遣十
月提舉諸司庫務司言每往逐處點檢公事將帶勾押
官已下隨行祇應欲乞依入內內侍省等處例支借官
馬勾押官前後行五人各一匹仍破草料詔許前行已
上支與 八年六月提舉諸司庫務馬李良言京茶庫
東西窰務抽稅竹木箔場三炭場牛羊司棧園供庖務
三水磨舊不係提舉欲乞依諸司例撥屬提舉司點檢
從之十月提舉諸司庫務司言每車駕行幸筵宴大禮
及契丹使到闕並是庫務祇應却無提舉勘會法酒庫

近供秋宴酒千七百瓶止收空瓶四百二十見行根逐
請自後從本司舉察祇應從之十一月提舉諸司庫務
司言南郊欲下三班院權差使臣才人赴司準備庫務
關官處權監從之 慶歷六年八月二十七日提舉諸
司庫務司宋祁言檢會編敕委本司體量轄下監官監
門使臣有通方幹辦及慢公違越人等密具能否以聞
緣所轄庫務官員數多兼常有庫務行人點檢制樸驅
磨等事務除本司并勾當公事張仲庸分治外其餘覆
檢舍屋抄割倒榻材植監金銀斤兩物件等綱運責勒
攢造絕界分文帳等就便或揀選本轄官員不妨本職
勾當即不見得逐人出身歷任功過勞績慮差管勾事

務未誠盡理欲乞應今後審官三班院入內內侍兩省等處差到本轄庫務監官監門等候見赴職委本司行遣取索逐人出身歷任赴司管條或有差遣公事詳酌選差從之 皇祐五年九月罷提舉勾當公事官 嘉祐二年十月詔提舉諸司庫務司汰諸司人老疾不堪執役者仍自今三年一汰之 五年八月五日詔提舉司今後內侍凡有差遣於諸司庫務取索及借官物並須躬親投下文字其逐庫務亦候見使臣方得差人供赴仍於使臣當面送納違者罪在取借官物使臣及合屬庫務監官干繫專罰庫級 英宗治平二年提舉諸司庫務王珪言本司與三司所部凡一百二處其額例

自嘉祐七年秋差都官郎中許遵重脩迄今三年始成
三司諸案省詳別無牴牾所編提舉司并三司額例計
一百五冊及都冊二十五冊上進仍乞賜別立新名詔
以在京諸司庫務條式為名二十六日以尚書刑部郎
中張師顏同提舉在京諸司庫務初兩浙轉運使司封
員外郎韓鎮上言景德中朝廷置提舉諸司庫務司以
朝臣及諸司副使二員領之近年此局常用顯官詞禁
清華固非奔走之任武臣內侍多是職位已高雖欲躬
親體亦未便臣伏望檢尋景德中始置提舉司之意及
當時所定條約俾復其舊則眾務畢舉詔添差合入職
司朝臣一員同提舉故有是命

治平四年四月十八

日同提舉張師顏言轄下庫務各有庫眼庫經收貯抄
上在庫官物自來庫務為見上件庫經開說作過不得
遇有給納不於日下抄轉意欲常令在庫官物不知見
在實數致官司緩急無由點檢監官因循其弊最甚蓋
自來未有指定庫經條約檢會條制應收支官物畫時
抄上省印收支文歷如違其干繫官吏並從違制分公
私故失定斷外雖該赦書德音疎決及去官不原乞今
後諸司監務所管庫經如本庫有收支不畫時抄上者
並用此條內有一般官物在數庫內收貯置都庫經拘
轄去處亦乞準此詔三司施行

時神宗已即位未改元

熙寧二年

十一月新差知定州李肅之言臣近提舉諸司庫務所

管七十三處官物浩瀚出納繁擁自張師顏同提舉方
稍畏懼緣師顏獨力無暇頻到逐處點檢欲乞選差強
幹朝臣曾任通判已上人兩員充提舉司勾當各分定
庫務每季遍到逐處點檢候季終具別無欺弊官物季
得整齊及體量監官能否與本司同以聞兼在京諸庫
務監官自來審官院並差觀民以上資序人近來多有
臣寮陳乞初任監當人乞今後雖以恩例陳乞須是曾
經一任以上方許詔從之仍差都官郎中沈衡著作佐
郎張端各理本資序充提舉司勾當公事六月八日提
舉諸司庫務司言奉詔勘會諸司工匠分為三等仍於
逐等分上中下其第九等七百餘人悉皆無藝詔並放

傳 三年六月八日三司言勘會提舉諸司庫務所管七十二處所差勾當公事官只是每季點檢官物整齊其有積壓陳損官物及未便事理合係三司變轉擘畫乞指揮提舉司勾當公事官今後庫務官物有積壓陳損及公私未便事理因李點檢可以詢究除申本司外其一般事狀申三司以憑相度施行詔三司將在京諸司庫務分作四窠令三司并提舉司勾當公事官員每半年一次輪轉各點檢一窠餘依所請施行七月十七日詔提舉司勾當公事官今後不得擅詣諸司庫務點檢及取索文字勾追公人如違仰提舉司取勘以聞先是中旨近因李肅之擘畫提舉司置局勾當公事官二

人令本司指使勾當是為屬吏諸事須當一稟提舉官處分訪聞日近極不守職任茲大事體擅行公牒越幕申報紊亂職守有失等威可與條約故也

全唐文

寄案朝野類要

寄案至之地
夫在併入
權貨務下

以下凡案方加
者倒置

提轄——左藏庫——文思院——權貨務——雜買場謂之四
路亦為儲財之地。建置沿革權貨務都茶場 四朝
志權貨務掌折博斛斗金帛之屬 會要以朝官諸司
使副內侍二人監太平興國中以先平廣南及交趾諸
國入貢通關市議於京師置權易院大中祥符中併入
權貨物務中興奉宗會要建炎中興又創都茶場給賣
茶引隨行在所於權貨置場雖分兩司而提轄監官並
通衙管幹建炎四年詔權貨務都茶場依舊創左右司
其提領措置並罷其都茶場仍令提轄司貨物官兼行

題名一條

提轄尋從趙州一務場於建康又併真州一務場歸建
康紹興五年詔建康鎮江西務場只是給賣鈔引三十
二年詔三省今後選差文臣充監官更不差武臣乾道
六年詔依舊通差武臣 題名先是課入不立額惟視
舊歲為等差是歲始分有定數歲總為錢二百四十
萬萬行都受藏之所為數八十萬萬于建康者一百二
十萬萬于鎮江者四十萬萬。雜買務雜賣場 會要
雜買務舊曰市買司太平興國四年改至道中廢咸平
中復置以京朝及三班內侍三人監掌和市百物凡宮
禁官物所需以時供納雜賣物景德四年置掌受內外
帶餘之物計直以待出貨或准折支用以內侍及三班

題名止一
庫名
在東西為
名下

二人監稅亦差文武朝官。中興會要詔興六年詔雜
司務雜賣場提轄官一員。左藏庫題名掌受四方財
賦之入以待邦國之經費其原蓋起於周職內主賦入
職歲主賦出而邦布之入出則外府又主之皆其職也
晉始置左右藏令唐于左右藏分建東西庫以太府少
卿知出納於左長慶門之東國初左藏止一庫。會要
及續會要太平興國二年分為二庫淳化三年分置左
右藏各二庫四年廢右併入左政和六年修新庫以東
西為名。中興孝宗會要中興因仍東西庫各以文臣
監武臣同監其束帛帑帑之屬在焉其西金銀泉券
絲纈之屬在焉紹興二十七年詔戶部於轄下丞簿內

以上三門寫
時須約

選一員兼充左藏庫提轄所由始孝宗即位詔將御前
樞管激賞庫撥歸左藏庫以左藏南庫為名專一樞管
應副軍期支遣於是有東西南三庫自後尋羅南庫大
抵國家用度多靡于贍兵西蜀湖廣江淮之賦類歸四
總領所以均諸屯其送京者殆亡幾唯閩浙悉輸馬東
西庫歲入以端計者率百四十萬以緡計者率二十萬
給遣稱是而大軍居十之七官禁百司祿賜裁予之間
有非泛浩繁之費則請于朝往往出內帑封樞以補所
缺監官凡五人分帑而治舊以京朝為之而今則唯才
是用故四選通得入。**恩院**四朝志及會要太
興國三年置掌造金銀犀玉工巧之物金彩繪素裝飾

復校銷

以下刪存
不鈔

月飾以供輿輦冊寶法物及凡器服之用隸少府監
 寧三年詔文思院兩界監官立定文臣一員武臣一員
 與朝廷選差其內侍勾當官並罷。中興孝宗會要
 三年詔少府監併歸其文思院上下界監官從工部
 詳差工部言所轄文思院舊分上下界監官三員內
 自一員係京朝官上界造作金銀珠玉下界造作銅鐵
 竹木雜料欲依舊分為上下界從之隆興二年詔併
 物局入文思院
 事要 權貨務場權貨
 秦太府少卿制云頃分權貨權萬貨輕重 唐劉晏傳云
 能權萬貨輕重使天下無甚貴賤而物常平
 場司市周禮地官京市 隋司農寺統京市今丞三市
 雜買賣

有東西南三市平均唐六典以二物平市以三賈均平
平正周禮名相近者相遠也實相近者相通也而平正
之平準中準和帝改平準為中準還有無和利用六典
大府總京都四市平準所以還有無和利用也左藏
庫雜珠韓楊天文要集類要雜珠五星為藏府在須女
北御府謝承後漢書御府內庫也又東漢記更始至長
安御府帑藏武庫皆按堵如故天積韓楊天文要集天
積者天子藏府也治藏胡文恭行李緯制云特陞治藏
之名禁帑胡大恭制京藏後魏王顯謂楊固曰吾作太
府卿庫藏充滿固曰減百官之祿又賦贖悉入京藏以
此充府未足為多典司國帑公是行曹佐制受藏之府

白居易集行其武制受藏之府國用所資不同諸司見

續通典狄兼基對唐文宗封勅問貨幣山積唐元宗召

公卿百僚觀左藏庫貨幣山積高科滯莞庫四朝因史

傳韓琦監左藏庫時方貴高科多徑去為顯職琦獨滯

莞庫衆以為非宜琦處之自居天下財賦皆納唐制天

下財賦皆納於左藏庫而太府四時以教聞尚書比部

覆其出入文思院工正莊子工尹左傳文公警聯

發端職奉綸音典司國帑疏寵中宸躋榮內轄掌外

路之供輸富中都之儲積疏恩宸扆榮總貨泉先奉明

綸榮陞要職權天下之贏不勞餘力富國中之積行有

成功

宋會要 供奉

雍熙二年八月十四日詔提領左藏南庫供進金一萬兩銀五萬兩絹一萬疋度牒五十道充將來德壽宮冊寶支使 十月八日詔將來詣德壽宮行慶壽禮可令提領南庫排辦金一萬兩銀五萬兩錢一十萬貫續一萬疋度牒五十道前期於本宮交納九年慶壽同五年七月九日詔左藏封樁庫取金二千兩供奉德壽宮六年正月同六年正月十七日詔自淳熙六年每年添置生白大花川綾一百五十疋限八月內進納德壽宮五月七日詔左藏南庫取錢五萬貫供奉德壽宮七年四月同七年十一月二十六日詔左藏南庫取金七千

兩銀三萬兩錢一十萬貫絹一萬匹度牒五十道供奉
德壽宮 八年閏三月二十八日詔左藏南庫自四月
為始每月以會子一萬七百六十九貫五百八十文供
奉德壽宮 九年正月二十一日詔封樁庫取銀四萬
兩供奉德壽宮 六月九日詔禮部取度牒二十道供
奉太上皇后 八月二十一日詔左藏南庫以會子一
十萬貫供奉德壽宮 為明堂大禮故也 九月十六日詔
封樁庫取銀四萬兩供奉德壽宮 十年正月二十六日
九月十七日自後十一年至十四年並同 十一年七
月二十六日詔封樁庫取會子十萬貫供奉太上皇帝
使用 十二年十月二十三日詔封樁庫取會子十五

萬貫供奉太上皇帝太上皇后為郊禮故也十一月二

十三日詔封樁庫取會子五萬貫供奉太上皇帝太上

皇后

為郊禮畢恭謝故也

十三年四月十六日詔封樁

庫取會子五萬貫供奉太上皇帝太上皇后使用二

十九日詔封樁庫支銀六萬兩赴內藏庫供納充五月

一日恭請太上皇帝太上皇后使用十二月四日詔

封樁庫取會子十五萬貫供奉太上皇帝太上皇后使

用十四年三月二十九日詔封樁庫取會子十五萬

貫供奉太上皇帝太上皇后使用十一月十四日詔

冬至舊例供奉錢四萬貫可日下進納德壽宮恭奉皇

太后聖旨昨來有司供納大行太上皇帝生料並令住

供 十九日詔除依顯仁皇后例供奉皇太后外仍依
太上皇后例供奉生辰金銀遇冬年寒食節例供奉外
更供奉德壽宮錢一萬二千貫充官吏宿衛親從親事
官軍兵等月給支用 十二月二十一日詔每遇冬年
寒食節各供送德壽宮錢一萬五千貫充官吏宿衛從
親事官軍兵等節料使用 十五年八月二十五日詔
封樁庫取會子十五萬貫供奉皇太后 以明堂大禮故
也九月十九日詔封樁庫支銀三萬兩赴內藏庫交納
供奉皇太后 十二月二十六日詔封樁庫取會子十
五萬貫供奉皇太后使用 十六年正月二十一日詔
封樁庫支銀三萬兩赴內藏庫交納供奉皇太后使用

雍正三年置入內供奉官大中祥符二年二月宣入
內內侍省供奉官改為入內內侍省內東西頭供奉官
亦同此例

糧料院

寄案宋志三司使太府寺兩出糧料院蓋以元豐後罷三司并戶部而糧料院
并入太府寺也徐輯不參非是今析中興以後事歸太府院宋志多見之例

高宗建炎三年七月四日詔行在

諸軍糧料院人吏依諸司糧料院例年日添破食錢二百文如今後逃亡
從杖一百科罪因事逃亡仍勒停並許入告賞錢五十貫首身減三等從
監官未釋之請也紹興元年正月十四日詔諸路差隨行在軍兵各許借
衣內禁軍春冬絹二匹廂軍等絹一匹舊有衣糧文歷人各依元請則例
新給歷之人春冬衣賜依出軍例並支一半如一年不及元借數即依所
借則例七月二十三日詔行在廂軍禁軍絹並一尋借支一十兩新給歷

人綿亦支一半其令內元不載支綿去處更不足給二年七月二十三日
請軍糧料院申調弓箭手民義兵條祿令並不該載衣賜年例借支綿絹
之人合依例批勘從之九月七日詔今後在外積併請給不得積留于行
在併請雖有專降指揮亦令戶部執奏十日詔請司糧料院主押官一名
前行四人後行一人十貼司四人諸軍糧料院都主押官一名前行四人
後行十人貼司三人為額今來減罷及已後罷役之人仍不得在外照錢
蜀應充諸處抱應過勘如違從徒一年科罪每名賞錢一百貫以犯人家
財充十月十六日詔請司諸軍糧料院審計司監官每遇闕官逐急權差
每月支錢三十貫文權不滿月計日支給見支食錢三百文罷十一月十
五日詔糧料院見子敏殿前馬步軍司彈壓禁軍仰步軍司差權廂軍抵
替歸逐司教閱如所差兩軍未足時禁軍從上軍分逐旋對數抵替歸司
十五月十四日步軍司言本司所管廂軍別無空閑之人切緣本司近承
指揮到文思院雜役每人款逐處各差一十人內部諸官僚一名計四
十人赴四狼審院彈壓依已降指揮抵替見占禁軍從之三年三月八日
詔應行在請給文思院旁偶造及詐冒通請官物並犯往有並從三年有
官人除名勒停送廣南編管永不收叙諸色人刺配廣南許人告捕內有

言人轉而官無官人補進義副使不願補官資支賞錢一千貫以犯人家財充不足以官錢代支其幫書經歷官司如能照檢敗獲依此推賞故縱者與同罪失照檢杖一百盜請官物數多或所犯情重者犯人及幫書經歷官失中奏取旨其告捕人亦當格外優加推賞三年八月三日詔糧料院人吏今後敢于諸軍詭名收係或影帶執役並許諸色人告賞錢三百貫錢以犯事人家財充仍令戶部先以官錢代支其犯人並從徒一年科罪諸軍如是糧料院人吏敢有陳乞差撥或私輒收係在軍及影帶執役其統領統領並取旨行違五年八月十八日臣僚言以惟國家之賦祿以鞅審院為關鍵糧番之勘給以法令為承式故幅然之畜一經過勘主歲之吏奉行惟謹所憑者此而已近年以來冒請多勦姦竄百出雖年置于理而犯法不衷臣嘗詢究其弊蓋有三焉除法散亡指揮不一官司無所執守其弊一也正名吏人推故出外而使權者書歷其弊二也請人書鋪道法幫助其弊三也逐院遵用條令甚多並無官本款乞官中量破紙札工食之費委自院官通將見行條法并前後續降中請願人具註續集成冊次第經由太府戶部有詳點對用印給付遵用其續降中請今參照前後文意如有抵牾疑惑即開具指定申明戶部本部不能決者則申明朝

廷可否行下仍今後有中請或續降凡目雖多逐一開說不用等字及字
之類庶幾事理明白革去疑惑俾猾吏不得加損毫釐于批勘之際則一
弊革矣遂院胥吏正名皆有官或出職之人愛惜身計故每有違法幫勘
則必推故出外以避繁書既迫日限令權人書歷批放事發之日權人還
去而正名以不曾繁書遂免建治緣此吏人與抱券有通同作弊及其事
敗無從勘正今宜自朝廷諸房至戶部太府無故不得勾追院吏如有合
行追呼其所直之案雖令權人時暫書歷批放依舊勒令正名繁書如有
違法並須即時中首根治則二弊革矣至于抱券請人違法幫勘雖有條
法若所請官物稍多或累次違犯或條從來作過之人並乞許逐院具名
申法戶部備中朝廷重賜施行不以赦原則三弊革矣並從之七年十二
七月詔糧審院監官任滿改移後不滿界并已滿未罷許依南北倉監官
例計日推賞從院官鮑琚等請也十二年十一月十日尚書省勅會已降
指揮太平州置分差糧料院監官一員詔江彭年勅勘置闕二十九年十
一月二十九日詔諸司糧料院人吏依到院年月日先後名次時與撥填
五人入額一次以本院有請下太府寺勘會本寺檢准紹興十四年九月
二十六日指揮諸司糧料院人吏遇闕許召募貼司權允後行候及一年

與本院見從人充同試補正額依條還補至是特有是命孝宗隆興元年十一月十五日戶部言准西總領所通判池州黃尚文魚幹辦戶部分差計司職事乞依行在正官例減半推賞若不滿任亦乞許計施行從之二年七月二日諸軍糧料院王正己言切見軍士立功獲陞轉資級報本院注籍之後往往半年方得省寺經由乞詔有司嚴立近限太府司農下諸軍糧料院置歷發放以三日為期其或違慢委自長貳覺察行罰從之乾道三年閏七月二十二日中書門下省言分差鎮江建康府諸軍糧料院鄧州戶部糧料院四川總領所分差戶部魚關糧料院已上尚書方選並注通判知縣資序人四川總領所分差利州戶部糧料院侍郎左選注職官次從政修職郎次迪功郎並撥歸吏部詔今後並令堂除依行在糧料院格法差人六年十二月十八日臣寮言行在糧料院所掌領降到條格指揮經今歲久並皆散漫別無印造條冊檢照乞行下敕令所將合用條令及前後申明指揮編類成冊付糧料院仍以一本付度支以憑參照及日後百司關報到請給指揮並印置冊用印即時抄錄從本部不測點檢從之淳熙四年十一月十六日詔自今分差糧料院許過差薦舉知縣已除指揮令吏部注通判理作堂除之人吏部尚書韓元吉言監分差鎮江

府諸軍司糧所院監分差建康府諸軍糧料院監鄂州戶部糧料院總領
四川財賦軍馬錢糧所幹辦行在分差戶部利州糧料院總領四川計賦
軍馬錢糧所幹辦行在分差戶部魚關糧料院案牘舊係堂除昨淳熙二
年二月八日發下吏部本部申明差注通判資序人以上人仍不破選亦
不通差緣通判資序以工人自有舍入通判等差遺多不願就與勘行在
六院官止注定歷知縣一任人今分差糧料院却注通判資序以工人更
不破選輕重不均欲將分差糧料院開依破格通判格法出關滿半年無
本等入願就許破格注第二任知縣資序人仍不作通關或乞依舊堂除
改可 是詔七年七月二十九日吏部刑部措置欲將淮東西浙廣總領所
憲軍前分差糧料院人吏依元降指揮立定人數令總領所將逐處見役
後行依行在四院審院收補條格案同試補排定名次充役如關人母得
以游手無根人或就部陳狀差撥前去止令總領所各落無過犯時曉批
放之人陳試充役候還補轉至頭名鄂州建康鎮江分差糧料院及十年
也州江州及十五年與補守關遊義副尉出職仍並推行重祿逐處報審
院職給各一名歿于行在四糧料院正額人吏內選差隔別點檢批勘審
放候及二年差人抵替歸元未去處從之以臣僞言在外諸路總領所吏

通錢糧雖分差糧審院請勘然秋料止是吏部注吏審計院官以逐州通
判兼權其人更止于州郡指差三年一替遇有各屬初非以州郡見役人
吏不請院幫勘既無請給又無守年限補未免乞取望時在外差糧料院
官及糧審院人吏一依行在見行格法除授差補所補人吏須經總領所
試驗乞申嚴重祿之法庶幾軍人免至減剋故有是請十二年十二月九
日詔諸軍糧料院減兵士二人以司農少卿吳煥議減冗食下敕令所裁
定故有是命

全唐文

宋會要 審計司

太府

高宗建炎元年五月十一日詔諸司專司諸軍專司專字下犯御名同音者改作諸軍諸司審計司 紹興元年九月十日詔審計司主押官一員前行二人後行七人貼司三人為額今來減罷及已後罷役之人不得在外點縫寫歷充諸處抱歷如違徒一年每名賞錢一百貫以犯人家財充十月五日詔今後應合差破兵級人從去處並報所隸軍馬司正行差撥填闕若係踏逐差無舊請及諸處減罷發遣正身不到所隸軍馬司之人並不支破請給從諸司審計司管適可之請也十六

日詔審計司監官每遇闕官逐急差權每月支錢三十貫文權不滿月計日支給食錢三百文罷十一月十五日詔審計司見占破殿前馬步軍司彈壓禁軍仰步軍司差撥廂軍抵替歸逐司校閱如所差廂軍未足將禁軍從上軍分逐旋對數抵替歸司

詳見報料院門

三年二月

七日詔監行在諸司審計司何汝能與減二年磨勘都主押官李祐與補守闕進義副尉更不支給賞錢以驗獲措改綾紙偽冒故也八月三日詔審計司人吏今後敢於諸軍詭名收係或影帶執役並許諸色人告賞錢三百貫文以犯事人家財充仍令戶部先以官錢代支其犯人並從徒一年科罪諸軍如是審計司人吏敢有

陳乞差撥或私輒收係在軍及影帶執役其統制統領
並取旨行遣 七年十二月七日詔審計司監官任滿
合得減三年磨勘依南北倉監官例計日推賞 孝宗
隆興元年八月十七日詔諸司審計司狀見管吏額九
人今將貼書一名減罷即將末名後行一名敦充貼司
係八名為額同日諸軍審計司狀見管人吏十人依入
仕年月先後裁減二人其諸司糧料院所差人吏乞自
今後更不差撥詔見在人且令依舊將來遇闕更不遷
補撥填十一月十五日戶部言淮西總領所通判池州
黃尚文兼幹辦戶部分差審計司職事乞依行在正官
例減半推賞若不滿任亦乞計日施行從之 乾道六

年十二月十八日臣寮言乞編類前後申明指揮編類

作冊付糧審院從之詳見糧料院門 淳熙十四年正月二十

四日詔諸司審計司諸軍審計司各減兵士三人以司

農少卿吳煥減冗食下敕令所裁定故有是命 慶元

元年十一月十九日戶部言幹辦諸司審計司商飛卿

申乞將王津園儀鸞司修內司人兵工匠如遇年七十

以上委的昏耄殘疾不任執役之人方許撥出額外養

老依三衙諸軍例止支減半請給仍乞立定額外養老

人數遇有闕方許撥出填補本部照得養老人日後若

有收使資級轉行止依元養老日職名批放本處減半

請給或特降指揮亦乞不許批放全分其已養老人還

轉准此詔從之

宋會要

抵當免行所 又名抵當所

抵當免行所在府司檢校庫舊隸府後屬都提舉市易司以官錢召人抵當出息凡五窠檢校小兒錢為一開封府雜供庫為一國子監律武學為一軍器都水監為一市易務為一并受免行錢 神宗熙寧四年五月四日同勾當司錄司檢校庫吳安特言本庫檢校小兒財物月給錢歲給衣逮及長成或至罄竭非朝廷愛民本意乞將見寄金銀見錢依常平等倉例召人先入抵當請領出息以給元檢校人戶詔千貫已下並如所請施行 十一月十一日權發遣開封府推官晁端彥言雜

供庫支費浩大歲均九千餘貫已裁減三分之一乞下
左藏庫借錢為本依古公解錢支今檢校庫召人借錢
出息却候償剩擬還詔左藏庫支錢七萬貫為本 五
年正月十二日詔差吳安特與本府戶曹遜迪專一置
局管勾息錢支納 四月三日抵當所言在京人戶係
屬司錄司乞令司錄司共管勾催促本所錢從之 七
月二十二日詔給武學錢萬貫送檢校庫出息以供公
用九年七月武學請收還本錢遂罷十一月二十七日詔給國子監錢
二萬貫送檢校庫出息以供公用 六年四月二十四
日詔給律學錢萬貫送檢校庫出息以供公用並從其
請也 十二月十八日都水監言乞將本監錢一萬五

卷一百四十一

千貫送抵當所出息供用從之 二十六日軍器監言
乞將本監錢一萬九千餘貫依武學例送府司出息供
用從之 二十七日詔市易司市利錢量留支用外十
萬貫並送抵當所出息准備支充吏祿其抵當所令都
提舉市易統轄罷句當曹官一員却置句當公事兩員
專切檢估 九年五月六日都提舉市易司言本司統
轄抵當官錢然檢校庫自隸開封府若本庫留滯差失
無緣檢舉乞撥屬本司其事關開封府即依舊隸府其
餘應干事務並歸本司統轄從之續會要作抵當所附太
府寺中興會要以後無

惠民和劑局

高宗紹興六年正月四日詔置藥局以惠行在太醫局熟藥東西南北四所為名內將藥局一所以和劑局為名從戶部侍郎王昊之請也同日詔和劑局置監官文武各一員差京朝官或大使臣依雜賣場請熟藥所各差小使臣或選入一員除請受外月支錢一十二貫遇入局日支食錢二百五十文是年七月十六日朝旨和劑局熟藥所監官每月從本部于一文息錢內添支備設錢一十貫文同日詔賣到熟錢每五日一次送納藥材所听候支用藥材價錢外將見在錢納雜買務同日詔熟藥局并和劑局令臨安府差撥兵級巡防內和劑一十人賣藥局各四人同日詔熟藥四所分輪雙隻日啟閉遇啟即出賣滿藥遇閉即計其前日一貫列錢數編排見在是年二月二十三日朝旨今後交跋到熟藥虛稱開絕者並從太府寺覺察從杖一百科罪同日詔和劑局般担藥至熟藥所並輪差巡防兵士令本局量破脚錢以藥息錢支給十月四日詔每人日支五十

支于頭子錢內支給又三月六日朝旨和劑局令步軍司更行選差少壯
兵士一十五人節給一人赴局充般担雜用每人日支食錢五十文內東
所添作七十文西所一百文于本局降到料次內支給從本局請也 十
月四日詔今後除本局合藥廩費外其應干官司等處錢物並罷不許應
副雖奉特旨亦令戶部執奏同日詔和劑局差專知官一名手分二人坐
熟藥庫子秤子各一名熟藥所各差專知官一名書手一名賣藥庫子三
人依法召募內專知官于校尉內踏選其請給並依雜賣場見請則例
專知官添給錢一十五貫每日食錢三百文手分料錢一十二貫每日食
錢二百文書手庫子每月料錢八貫每日食錢一百八十文並推行倉法
內專知官與理當重格是年十月八日朝旨和劑局專副知手分並日支
食錢三百文書手二百五十文庫子秤子二百五十文熟藥所專庫書手
等並依此則例並從太府寺請增添也同日詔雜買務收買藥材依雜賣
場例每貫收頭子錢二十文省市例錢五文足應副腳剩錢等雜支使用
置歷收支年終將剩數併入息錢所有熟藥所納錢省指並依左藏庫條
法其納到錢就支藥材價錢外餘並行樞密院同日詔和劑局合用工錢每
料五百貫支中太府寺降帖下雜買務支給同日詔藥局印記和劑局記

四字為文照舊東西南北四所各以之記六字為文同日詔礪合假藥偽
造藥子印記作官藥貨賣並依偽造條法同日詔熟藥所和劑局監事公
吏輪留宿直巡夜民間緩急請藥不即出賣杖一百科罪時乃坐新諸色人經部起訴同
作匠並不得干使如違杖一百科罪時乃坐新諸色人經部起訴同
日詔和劑局熟材令雜貨務收買仍就令太府寺准備差使兼雜買務監
門機案錢物出入除本身請給外每月添支和劑局監門官日支食錢一
色二十五日詔藥局修合并辦驗熟材官令本部于醫官局并有官人
及在外有名目醫流內巡逐中差其請給衣和劑局監官例添破茶湯錢
八貫文如係有官人亦與理為資任九月二十五日南北所各添書手序
子各一人九年二月五日詔和劑局熟藥所監官任滿京朝官使臣並
減二年磨勘選人滿一資監門官辦驗熟材官任滿諸局所事到界滿正
減一年磨勘如監官監門醫官任內有碍賞罪名反身到有贖缺事件並
不推賞若不滿任即依附推賞十年三月二十三日詔熟藥所監官依
編估局每月各添給錢一十貫于本部一文息錢內支給十八年閏八
月二十三日朝旨熟藥所依在京改作太平惠民局二十一年閏四月
二日詔諸路常平司行下會府州軍將熟藥所並改作太平惠民局十

二月十七日詔時太平惠民局盛本藥方印頒諸路 二十六年十月二十一日詔惠民和劑局令戶部委官相驗將陳積舊藥並行毀棄以太府少卿林覺書監專翼避勝償不責依條申請故也 十一月八日詔和劑局修合官雜買粉粹驗藥材官下翰林院于近工醫官內選差保明申戶部審定中差和劑局修合官一員雜買務辦驗藥材官一員請給人從理任副實並依辦驗官見行條法如或所辦驗藥材偽監修合粗弱不如法並從省寺點檢中取朝廷指揮見任文臣候選差醫官日並罷內正官依省罷法以上中興會要 孝宗隆興元年五月二十八日詔令戶部行下所屬將今歲合發三街官兵暑藥目下計置津校先期差官起索伏以前到軍前樞密院差使臣一員管押去都督府差官給散其行在諸軍夏藥亦合勘量修製支散以都省言和劑局逐年所支三街官兵夏藥二十餘萬貼軍身既已在外切慮本局循例就此支付本寨理宜措置故有是命同日詔和劑局所管藥材內有貴細物除偷出門一節已有監官親事官投檢罪賞外其局內有肉藥之類若專與作匠公吏等緣事入局輒將食用膏許人告賣錢二十貫監臨不覺察同罪同日詔雜買務收買藥材并收支錢專置庫收盛時及臨安府稅務遇有客旅販到藥材開數和劑局依

市價收買仍令和劑局酌度月用數目除行在庫務并市舶務有見在名
件取撥應到外保寔數報雜買務收買遇有藥物入門令臨安府興免
收稅 乾道元年三月五日戶部言淮西總領楊俊奏與勘淮西總領所
忠民局及雜賣場止是出賣藥物事物不多乞將雜賣場併令忠民局官
兼管本部勘會依所乞合以監總領淮西江東軍馬錢糧所太平忠民
局兼監行宮雜賣場稱吁所有減罷去處其已差下人並依省罷法施行
從之 以上乾道會要

全唐文

續會要 脩合賣藥所

宋政和四年尚書省言修合賣藥所本周官醫師救民
之意今只以都城四壁并商稅院東出賣熟藥非創置
惠民之意矧今局事不隸太醫

十八日羅裕氏

宋會要

編估局

編估局高宗紹興七年正月二十八日戶部言欲將三路發到市舶香藥雜物依舊令左藏東西庫推估務交納外其編估職事乞隔委左藏庫監門官一員無其打套職事乞委本府寺文引庫監官兼從之 九年六月四日詔打套局監官如任內職事別無曠闕不了事件依藥局監官賞格任滿京朝官使臣並與減二年磨勘選人循一資仍許計日推賞如三年為任之人若及二年以上並全給賞所編估局官係左藏庫中門官兼本門已有賞格更不推賞 二十一日詔編估局官一員專一編打三路市舶司香藥物貨并諸州軍起別無用贓罰衣服等自來納訖牒到本局官吏將帶行牙人前去就庫編價等第色額差兩綱牙人等同本司看估時值價錢訖供申尚書金部符下太府寺請寺丞一員覆估訖徑申金部提振郎中廳審驗了當申金部內市舶香藥物貨等連估帳符下打套局將合打套名件一一交與打套如不是打套之物符下雜賣場徑行赴左藏庫交與赴場出賣其不堪交還無用衣物等條審覆訖省部供申朝廷指揮日下依此行下打套局一面交與打套及雜賣場徑行交與出賣施行

同日詔置編估官一員請給人從酬獎並依打套官例初以左藏庫中門
官兼至是以戶部言事務繁劇故有是命 十一年三月八日詔將編估
打套局移出左藏庫外於南倉之北置局以上中興會要宋明續會要無
此門乾道會要編估打套局孝宗隆興元年八月十七日右諫議大夫
王大寶等言見議併省人吏內編估局額管手分二人難以省減打套局
見管人吏二人庫經司一人編估打套局門見管人吏一人各不及分數
詔依見在人且令依舊將來遇闕更不遷補撥填 十月三日右承值郎
監偏估打套局門何俾左從政郎監雜買務雜賣場門趙粹中奏元降指
揮雜買務雜賣場門請給人從依左藏庫監門官編估打套局門請給人
從依雜買務雜賣場監門官獨有賞典未曾陳乞亦乞依左藏庫門體例
施行從之以上乾道會要 淳熙三年二月十二日詔編估打套局專知官
令以副尉赴都官注擬從大理正吳受請也詳見職掌 四年正月一日詔
編估打套局官依舊堂除